



**Republika e Kosovës / Republika Kosova / Republic of Kosova**  
Komuna e Podujevës / Opština Podujevo / Municipality of Podujeva

**DREJTORIA E BUJQËSISË PYLLTARISË DHE ZHVILLIMIT RURAL**

# **PLANI I PUNËS PËR VITIN 2024**

## **1. HYRJE**

Komuna e Podujevës gjendet në veri-lindje të Kosovës. Podujeva posedon sipërfaqe prej 633.86 km<sup>2</sup> (5.8% të sipërfaqes së Republikës së Kosovës). Në aspektin e pozitës gjeografike, komuna e Podujevës shtrihet në Luginën e lumit Llap dhe ofron kushte të mira për kultura të ndryshme bujqësore. Ajo kufizohet me pesë komuna tjera të Republikës Kosovës (Prishtinë, Vushtrri, Mitrovicë, Obiliq, dhe Leposaviq). Nisur nga këta faktorë dhe nga kushtet e përshtatshme klimatike, bujqësia përfaqëson një potencial të madh zhvillimi për ekonominë e komunës.

Në Komunën e Podujevës kultivohen kultura të ndryshme bujqësore, kultura lavërtare, pemët e imëta ( Mjedra, Aronia, Boronica, Dredhëza etj), bimët mjekësore dhe aromatike konsiderohen si kultura strategjike për krijimin e vendeve të reja të punës.

## **2. SYNIMET PROGRAMORE**

Stabiliteti afat gjatë ekonomik dhe shoqëror në radhë të parë varet nga zhvillimi i qëndrueshëm i bujqësisë. Ky plan program ka për qëllim përmirësimin e sektorit të bujqësisë dhe zhvillimit rural.

Në kuadër të synimeve kryesore në politikën agrare për vitin 2024 do të jenë:

- *Kalimi nga prodhimtaria në ferma që plotësojnë nevojat e ekonomisë familjare në ferma gjysmë komerciale dhe komerciale;*
- *Zbutja e papunësisë, varfërisë dhe përmirësimi i cilësisë së jetesës për banorët e zonave rurale.*

### **2.1. VIZIONI**

Podujeva qendër e prodhimit dhe përpunimit të produkteve bujqësore sidomos pemëve të imta cilësore për Kosovën, rajonin dhe më gjerë.

## 2.2. MISIONI

Zhvillimi i sektorit të bujqësisë i harmonizuar sipas standardeve dhe praktikave të BE- së duke respektuar Politikat e Zhvillimit Rural (PZHR) të BE-së, normat ekologjike dhe konkurruese me vendet e rajonit dhe i mbështetur nga fondet zhvillimore lokale, qeveritare dhe ndërkombëtare.

## 2.3. OBJEKTIVAT E PËRGJITHME:

- Edukimi i vazhdueshëm / Përcjellja e inovacioneve në sektorin e bujqësisë, pylltarisë dhe zhvillimit rural;
- Forcimi i zinxhirit ushqimor, mbrojtja e kafshëve dhe menaxhimi i rrezikut në bujqësi;
- Përfshirja sociale, zvogëlimi i varlërisë dhe zhvillimi ekonomik në viset rurale;
- Mbështetja institucionale në riaktivizimin e fermave, plantacioneve bujqësore dhe kapaciteteve përpunuese ushqimore në komunën e Podujevës;
- Përmirësimi i sistemit të ujitjes dhe rritje të sipërfaqeve punuese me sistem të ujitjes në funksion të rritjes së rendimentit;
- Mbështetja e zhvillimit ekonomik të komunës përmes nxitjes së investimeve në fushat:
  - Pemëtari duke përfshirë pemët e imta (mjedra, dredhëza, manaferra, boronica dhe aronia);
  - Perimtari;
  - Lavërtari;
  - Blegtori;
  - Bletari dhe
  - Produktet e veçanta (kërpudha, bimë medicinale dhe aromatike etj) .

## 2.4. OBJEKTIVAT SPECIFIKE (2024):

- Sektori pemëtarisë: Përkrahja e fermerëve për ngritjen e pemishteve moderne me pemë të imëta;
- Sektori i perimtarisë: Ngritje të kapaciteteve të kultivimit të perimeve në ambiente të mbyllura (serra të tipit tunel) me sipërfaqe prej 50 m<sup>2</sup> dhe 500 m<sup>2</sup>;
- Sektori i bletarisë: Rritje të kapaciteteve prodhuese për bletarët, ndarje e pajisjeve për bletarë;

- Sektori i blegtorisë: Rritje të kapaciteteve prodhuese për Blegtorët, ndarja e 154 krerë mëshqerrave barrëse;
- Përkrahja me mekanizëm bujqësor;
- Promovimi i sektorit të bujqësisë në komunën e Podujevës përmes organizimit të aktiviteteve promovuese (Ditët e Agrobiznesit, Dita e eksportit të perimeve, pjesëmarrje në panaire, Dita e mjedrës, Dita e Mjaltit, etj.);
- Mbështetja e përpunuesve lokal përmes krijimit të lidhjeve me investitorët potencial.

### **Aktivite tjera në kuadër të sektorit**

#### **I.**

- Raporti përfundimtarë i korrije-shirjeve përzgjedhja e disa fermerëve më të suksesshëm në rendimentet e arritura;
- Këshillime rreth parapërgatitjes së tokës për mbjellje vjeshtore.

#### **II.**

- Këshillimet në temat për mbjelljet vjeshtore;
- Bashkëpunimi me organizatat (barnatore bujqësore ) që të sigurojnë repromaterial (farë,pleh,mjete dezinfektuese) të cilat ju përshtatën kushteve tona .

#### **III.**

- Mbjelljet vjeshtore dhe përcjellja e tyre;
- Dhënia e këshillimeve të drejtpërdrejta etj;
- Këshilla në pemëtari rreth mbjelljes së llojeve të ndryshme të pemëve.

#### **IV.**

- Realizimi i mbjelljeve vjeshtore;
- Këshillime me perimtarët që bëjnë kultivimin në serrë;
- Vizitë fshatrave dhe dhënia e këshillave për përmirësimin e jetës në fshat.

V

- Realizimi i planeve vjetore ;
- Zgjedhja e fermerëve më të mirë të vitit tashmë festë tradicionale;
- Bashkëpunimi i mirë me MBPZHR , OJQ-te Fakultetin e bujqësisë etj;
- Pjesëmarrja në seminare dhe takime të ndryshme;
- Punë të përditshme në zyrë dhe punë tjera që janë në interes të Komunës.

Nr.protokoli 12-320/01-0012326/24  
Podujevë, 21.02.2024

